

A E atributonan di Dios.

- ❖ E Beibel ta ofrese e imagen di mas fiel, kla, i konsistente di Dios. Un di e maneranan ku esaki ta permití nos pa konosé ta dor di Su atributonan.
 - Todopoderoso (Genesis 17:1)
 - Omnisiente (1 Juan 3:20)
 - Konosedó di e futuro (Isaias 46:10)
 - Hustu (Salmo 11:7)
 - Misericòrdioso (Deuteronomio 4:31)
 - Ku pasenshi i ku konsuelo (Romanonan 15:5)
 - Dunadó di gracia (Romanonan 3:24)
 - Esun ku ta pordoná (Salmo 86:5)
 - Real (Salmo 47:8)
 - Eternu (Genesis 21:33)
- ❖ Pa su parti, Satanás a purba fpr di prinsipio pa desformá e karakter di Dios, mustrandu Esaki komo un Dios egoísta, Kende solamente ta buska Su propio bon (Gen. 3:4-5).

B E karakter di Dios:

❖ Dios ta santu.

- E angelnan kende ta para banda di Dios ta alab’E komo “ Santu, santu, santu ” (Isa. 6:3; Rev. 4:8). E atributo aki ta asina fundamentalmente konektá na Su karakter ku Isaias ta huza esaki komo Dios Su nòmber propio: “ Esun santu ta bisa”. (Isa. 40:25; 57:15).
- Kiko ta nifiká pa ta santu? Esaki ta nifiká pa ta konsagrá, apartá, limpi. Nos ta santu ora ku nos bira for di maldat i hasi e trabou ku Dios a konfia na nos (Num. 15:40; Lev . 11:44; 1 Pedr. 2:9).
- Pero kon esaki ta apliká na Dios? E ta kompletamente separá for di maldat i no tin ningun relashon ku piká.
- Esaki ta nifiká ku, pasombra E ta santu, Su amor ta santu, puru, i liber di egoísmo. Pasombra E ta Santu, Su omnipotensia ta santu, puru, i liber di egoísmo. Tur su atributonan ta yená ku santidat i puresa.

❖ Dios ta amor.

- Dios no solamente tin amor òf ta kompartí amor (ounke E ta hasi tur dos), pero “ Dios TA amor ” (1 Juan 4:8, 16). Manera santidat, amor ta un parti intrínseko di e naturalesa divino.
 - (1) For di amor, El a krea humanidat maskulino i femenino, i “ a komandá” nan pa stima un na otro. (Gen. 2:24)
 - (2) For di amor, ora ku Adam i Eva a peka, El a buska nan i a duna nan speransa (Gen. 3:9, 15)
 - (3) For di amor, El a hasi un pakto ku Abraham i a primintí bendishonnan pa tur ser humano (Gen. 26:4)
 - (4) For di amor, El a duna Su Yiu hòMBER – Hesus Kristu – pa muri pa nos pikánan (Juan 3:16)
- Kon ami lo por reashoná na Su amor (1 Juan 4:19)?

C Konosiendo Dios:

❖ Dios revelá den Kreashon.

- E Beibel ta kuminsa dor di referí na Dios komo **אֱלֹהִים** (elohim). Ounke ku e tradukshon literal di e título aki ta “ diosnan,” esaki ta wòrdu huzá komo un palabra singular. Algun bes manera “ Na prinsipio, Dios a krea e shelunan i e tera” (Gen. 1:1).
- E ta presentá na nos ku e Kreador Kende, dor di e Palabra [Hesus Kristu], i ku e intervenshon di e Spiritu, ta poderoso pa produsí tur kos ku ta eksistí (Gen. 1:1-3; Juan. 1:1-3).
- Den Genesis kapítulo 2, un nòmber personal pa Dios ta wòrdu agregá: **יהוה** (Yahweh). Awor E no ta simplemente bisa, “ Laga esaki ta.” E ta tuma hende i ta form’é ku Su mannan. E Dios poderoso ta revelá Su mes komo un Dios personal, i aserkabel.
- E ta mishi ku nos, E ta papia ku nos, E ta siña nos, E ta asigná nos trabou na nos... E ta stima nos.

❖ Dios revelá den Hesus (Emanuel).

- Si nos kier sa kon Dios ta, laga nos konose Hesus. E ta Dios den forma humano (Juan 1:14), Kende a revelá Su mes dor di tuma naturalesa humano asina ku E por wòrdu mirá i tendé dor di nos (Juan 1:18; 14:9; 1 Juan 5:20).
- El a wòrdu anunsiá bou di un nòmber profétiko ku a indiká e propósito di Su bida: Emanuel, Dios ku nos (Isaias 7:14; Mateo 1:23). E kuater evangelistanan ta present’É na nos den diferente aspektonan.
 - (1) Mateo: For di un Hudiu na e Hudiuinan. E ta e Mesias Kende ta kumpli ku loke El a primintí.
 - (2) Marko: For di un Hudiu na e Gentilnan. Semper atento na sirbi otronan.
 - (3) Lukas: For di un Gentil na e Gentilnan. Humanitario i yen di kompashon.
 - (4) Juan: For di un Hudiu na Hudiuinan i Gentilnan. E dunadó di bida físiko i spiritual.